



Bosna i Hercegovina
Federacija Bosna i Hercegovina
Hercegovačko-neretvanski kanton
Grad Mostar
Gradonačelnik

Na osnovu člana 43. Statuta Grada Mostara («Gradski službeni glasnik Grada Mostara», broj: 4/2004 i «Službeni glasnik Grada Mostara», broj: 8/2009 i 15/2010) i člana 3. Odluke o načinu odabira projekta nevladinih organizacija po LOD metodologiji («Službeni glasnik Grada Mostara», broj:23/21), Gradonačelnik Grada Mostara, raspisuje:

**JAVNI POZIV NEVLADINIM ORGANIZACIJAMA
ZA PREDAJU PRIJEDLOGA PROJEKATA KOJI ĆE SE FINANSIRATI IZ
BUDŽETA GRADA MOSTARA U 2023. GODINI**

I PRIORITETNE OBLASTI I TEME

Grad Mostar (u daljem tekstu: Grad) poziva sva udruženja i fondacije, odnosno nevladine organizacije iz Bosne i Hercegovine da dostave prijedloge projekata koji su u skladu sa razvojnim ciljevima Grada Mostara iz sljedećih prioriternih oblasti:

1. MLADI

- 1.1. Podrška unapređenju položaja mladih – kroz organizovanje obuka/treninga/radionica u cilju promocije volonterizma i društveno korisnog i timskog rada;
- 1.2. Razvoj novih sadržaja za kvalitetnije provođenje slobodnog vremena (kulturni, sportski, ekološki, zabavni i drugi sadržaji za mlade);
- 1.3. Prednosti i nedostaci društvenih mreža kao i njihov uticaj na mlade i prevencija cyber i ostalih vrsta nasilja među mladima i na mlade;
- 1.4. Projekti koji podstiču kreativno stvaralaštvo mladih;
- 1.5. Prevencija ovisnosti među djecom i mladima, promocija zdravih stilova života reproduktivnog zdravlja;
- 1.6. Projekti koji doprinose društvenom aktivizmu mladih u ruralnim sredinama;

2. KULTURA

- 2.1. Projekti koji podstiču afirmaciju kulture, umjetnosti i umjetničkog stvaralaštva;

3. NEFORMALNO OBRAZOVANJE I EDUKACIJA

- 3.1. Rad sa djecom i mladima s ciljem razvoja talenata, podrška u razvoju modernih tehnologija, robotike, programiranja;
- 3.2. Projekti koji doprinose poboljšanju kvaliteta života kroz neformalne edukacije;

4. DRUŠTVENA KOHEZIJA

- 4.1. Projekti koji promoviraju zdrave stilove života;
- 4.2. Projekti koji doprinose podizanju svijesti o značaju brige o zdravlju;
- 4.3. Projekti koji doprinose podizanju svijesti o zaštiti potrošača;
- 4.4. Projekti koji poboljšavaju život osoba sa invaliditetom;
- 4.5. Projekti koji doprinose potpori žrtvama nasilja u obitelji;

- 4.6. Unapređenje položaja marginaliziranih skupina građana kroz organiziranje obuka/treninga/radionica u cilju njihovog ekonomskog osnaživanja;
- 4.7. Projekti usmjereni na poboljšanje svakodnevnice osoba treće životne dobi kroz organizaciju edukativnih događaja, radionica, druženja i sličnih aktivnosti;
- 4.8. Projekti koji doprinose potpori marginaliziranim skupinama;
- 4.9. Pružanje psihosocijalne pomoći obiteljima osoba s invaliditetom;

5. RURALNI RAZVOJ I ZAŠTITA OKOLIŠA

- 5.1. Projekti koji podstiču unapređenje znanja i vještina mladih na tržištu rada;
- 5.2. Projekti koji rade na unapređenju sposobnosti mladih za istraživanje, razvoj i inovacije;
- 5.3. Projekti koji podstiču unapređenje znanja i vještina stanovništva u ruralnim sredinama sa posebnim akcentom na poljoprivredu;
- 5.4. Projekti koji rade na podizanju svijesti i očuvanju i životne sredine;

6. SPORT

- 6.1. Popularizacija i omasovljavanje amaterskog sporta;
- 6.2. Odgojni i edukativni sportski projekti za djecu i osobe iz socijalno-isključenih kategorija stanovništva;
- 6.3. Inkluzija lica sa invaliditetom putem sportsko-rekreativnih sadržaja;
- 6.4. Poboljšanje kvaliteta i dostupnosti edukativnih i sportsko-rekreativnih sadržaja za djecu sa poteškoćama u razvoju.

II VISINA SREDSTAVA KOJA SE DODJELJUJE PO PROJEKTU

Sredstva za odobrene projekte iz utvrđenih prioriternih oblasti trebaju iznositi od 5.000,00 KM do 15.000,00 KM po projektu.

Sveukupna planirana sredstava za Javni poziv planirana Budžetom Grada Mostara za 2023. godinu iznose 110.000,00 KM.

Grad zadržava pravo da se ne dodijele sva raspoloživa finansijska sredstva u slučaju da projektni prijedlozi ne zadovoljavaju zadane kriterije.

III UČESNICI JAVNOG POZIVA

Učešće u ovom javnom pozivu je otvoreno, na jednakim osnovama, za sva formalno registrovana udruženja i fondacije, u skladu sa važećim zakonskim propisima u Bosni i Hercegovini, a u čijim organima upravljanja nisu zastupljeni uposlenici Grada Mostara, zatim vijećnici i članovi radnih tijela Gradskog vijeća Grada Mostara, koji učestvuju u proceduri provođenja Javnog poziva (člana 12. Zakona o sukobu interesa u organima vlasti u Federaciji BiH, „Službene novine Federacije BiH“, broj 70/08).

Sva zainteresovana udruženja i fondacije/nevladine organizacije detaljne informacije o uslovima za prijavu i kriterijima za finansiranje projekata mogu pronaći u **Smjernicama za podnosiocce prijedloga projekta u okviru Javnog poziva namijenjenog za nevladine organizacije koja će se finansirati iz budžeta Grada Mostara u 2023. godini.**

IV PERIOD REALIZACIJE PROJEKATA

Dužina trajanje svakog projekta može biti minimalno tri do šest mjeseci. Izabrani projekti trebaju da se provedu do kraja marta 2024. godine. Potpisivanje Ugovora sa odabranim aplikantima očekuje se početkom mjeseca septembra 2023. godine, te će aplikanti u skladu sa tim i planirati početak realizacije svojih projekata.

Projekti koji su dobili finansijsku podršku Grad trebaju se realizovati u skladu sa dostavljenim prijedlogom projekta i **LOD- metodologijom**.
Neće se finansirati aktivnosti odobrenog projekta koje su finansirane i provedene prije zaključivanja ugovora.

V LOKACIJA

Projekat mora biti implementiran na području Grada Mostara, osim aktivnosti za koje ne postoje pretpostavke (uslovi) da se odvijaju na teritoriji Grada, čija su ciljna grupa građani i građanke Grada Mostara.

VI BROJ PROJEKATA KOJE JEDAN PODNOSILAC PRIJAVE MOŽE PREDATI

Podnosilac prijave može predati više od jednog projektnog prijedloga sa odvojenim prijavnim formularima i dokumentacijom za svakog od njih, a finansirat će se samo jedan uspješno ocijenjen i odabran projekat.

VII PREUZIMANJE DOKUMENTACIJE

Dokumentacija za prijavu na Javni poziv, može se preuzeti sa službene web stranice Grada: www.mostar.ba.

VIII EDUKACIJA O NAČINU PRIJAVLJIVANJA NA JAVNI POZIV

Informativni sastanak sa zainteresovanim nevladnim organizacijama „Otvoreni dan“ će biti održan **8. augusta 2023.** godine u periodu od 10:00 do 11:00 sati u prostorijama Gradske vijećnice Grada Mostara, na adresi Hrvatskih branitelja bb u Mostaru. Potencijalni podnosioci prijave će tokom sastanka biti detaljnije upoznati sa pozivom, načinom prijavljivanja, kriterijima, itd.

Za zainteresovane predstavnike udruženja i fondacija – nevladine organizacije planiran je trodnevni **Trening upravljanja projektnim ciklusom (PCM)** koji će biti organizovan u sklopu javnog poziva u slijedećim terminima:

1. **17.8.2023. godine u periodu od 10:00 do 11:00 sati**
2. **21.8.2023. godine u periodu od 10:00 do 11:00 sati i**
3. **24.8.2023.godine u periodu od 10:00 do 11:00 sati u prostorijama Grada Mostara, Ulica Kralja Tvrtka bb, (Đački dom) Grad Mostar.**

Prijave za učešće na Otvorenom danu i planirane termine za Treninge su otvorene za udruženja i fondacija – nevladine organizacije, koje se trebaju dostaviti jedan dan ranije od dana održavanja istih, putem email adrese: mladi.nvo@mostar.ba.

Sva pitanja u vezi sa javnim pozivom se mogu postaviti putem e-mail adrese mladi.nvo@mostar.ba sa naznakom za Javni poziv do **24.augusta 2023.** godine. Odgovori na upite će biti dostavljeni unutar tri do pet radna dana od primanja upita.

IX PREDAJA APLIKACIJA

Ispunjena aplikacija (sa kompletnom zahtijevanom dokumentacijom) mora se dostaviti u dva (2) primjerka: u jednoj štampanoj formi i u jednoj elektronskoj kopiji USB u zatvorenoj kovčici sa naznakom:

„ za Javni poziv nevladinim organizacijama za predaju prijedloga projekata koji će se finansirati iz budžeta Grada Mostara u 2023. godini“

preporučenom poštom ili na **Protokol Grada Mostara** tokom radnih dana (ponedjeljak-petak u periodu od 8:00-13:00), na sljedeću adresu:

Grad Mostar
Adema Buća br. 19
88 000 Mostar
Bosna i Hercegovina

Vanjska strana koverta mora sadržavati: naziv poziva za predaju prijedloga projekata, puno ime i adresu aplikanta, puni naziv projekta i navod **“Ne otvarati prije zvaničnog otvaranja”**.

X ROK ZA PREDAJU

Javni poziv će biti objavljen u sredstvima dnevnog informiranja i na web stranici Grada Mostara www.mostar.ba.

Rok za predaju aplikacija/prijava je **28 dana** od dana objavljivanja u sredstvima javnog informisanja, odnosno do **28.08.2023.** godine.

Aplikacije dostavljene nakon navedenog roka bit će razmatrane jedino u slučaju da poštanski pečatu kazuje na datum slanja prije zvaničnog isteka roka.

O primljenoj pošiljci u Gradu će se voditi uredna evidencija.

XI NAČIN OCJENJIVANJA PROJEKTNIH PRIJEDLOGA

Ocjenjivanje će izvršiti Komisija za ocjenjivanje i odabir projekata, koju će imenovati Gradonačelnik Grada. Rezultati po Javnom pozivu će biti objavljeni na web stranici Grada (www.mostar.ba), najkasnije **mjesec** dana od dana zatvaranja Javnog poziva.

Set dokumenata potrebnih za Javni poziv možete preuzeti na sljedećim linkovima:

- 1. PROJEKTNI PRIJEDLOG**
- 2. PREGLED BUDŽETA**
- 3. NARATIVNI BUDŽET**
- 4. MATRICA LOGIČKOG OKVIRA**
- 5. PLAN AKTIVNOSTI I PROMOCIJA/PLAN AKTIVNOSTI**
- 6. ADMINISTRATIVNI PODACI O APLIKANTU**
- 7. FINANSIJSKA IDENTIFIKACIONA FORMA**
- 8. IZJAVA O PODOBNOSTI**
- 9. IZJAVA O PARTNERSTVU**
- 10. LISTA ZA PROVJERU**
- 11. SMJERNICE ZA APLIKANTE**
- 12. CILJEVI ODRŽIVOG RAZVOJA**

Broj: 02-11-2091/23
Mostar, 10.07.2023.godine

Dostaviti:

- Sekretarijatu/Tajništvu Gradonačelnika – za objavu na novine i web stranici Grada Mostara
- Odjelu za organizaciju, pravne poslove, opću upravu, civilnu zaštitu i vatrogastvo
- Odjelu za društvene djelatnosti.

